



KENYATAAN MEDIA

LARIAN BENDERA WILAYAH PERSEKUTUAN DAN QUEEN'S BATON SEMARAK SAMBUTAN HARI WILAYAH PERSEKUTUAN 2022

PUTRAJAYA, 23 Januari - PUTRAJAYA: Sambutan Hari Wilayah Persekutuan (SHWP) 2022 dimeriahkan lagi dengan Larian Bendera Wilayah Persekutuan dan Queen's Baton yang berlangsung sekitar 10 kilometer bermula di Menara Seri Wilayah sebelum berakhir di Kompleks Perbadanan Putrajaya, di sini hari ini.

Bersempena SHWP 2022 yang berlangsung pada 1 Februari pada setiap tahun, Larian Bendera Wilayah Persekutuan diadakan bersekali dengan Larian Queen's Baton yang kini berada di Malaysia bersempena dengan Sukan Komanwel 2022 di Birmingham yang akan diadakan pada 28 Julai - 8 Ogos 2022.

Seramai 17 atlet dan jurulatih yang pernah merangkul pingat pada Sukan Komanwel dipilih untuk menyertai Larian Bendera Wilayah Persekutuan dan Queen's Baton secara bergilir-gilir di sepanjang lima checkpoint yang dibuat sepanjang laluan. Senarai pembawa Queen's Baton di Putrajaya ialah:

1. Carolyn Au Yong - Gimrama
2. Durratun Nashihin Rosli - Gimrama
3. Izzah Amzan- Gimrama
4. Nor Effandy Rosli - Berbasikal
5. Kannagi Arumugam - Hoki
6. Fairul Izwan Abd Muin - Boling Padang
7. Sanjay Singh Chal - Skuasy
8. Muhammad Soufi Rusli - Boling Padang
9. Auni Fathiah Kamis - Boling Padang
10. Baljit Singh A/L Charun Singh - Hoki
11. Norhizzat Sumantri - Hoki
12. Nur Syafiqah Mohd Zain - Hoki
13. Norazlin Sumantri - Hoki
14. Wong Choong Hann - Badminton
15. Martin Guntali - Angkat Berat
16. Hidayat Hamidun - Angkat Berat

Pesuruhjaya Tinggi British ke Malaysia, Charles Hay turut menyertai larian kali ini sebelum menyerahkan Queen's Baton kepada Timbalan Ketua Setiausaha (Pengurusan & Sosio Ekonomi) Kementerian Wilayah Persekutuan, Dato' Parang Abai @ Thomas sebagai acara kemuncak pada Larian Bendera Wilayah Persekutuan dan Queen's Baton ini.

"Larian Bendera Wilayah Persekutuan ini diadakan secara khususnya bagi memeriahkan Sambutan Hari Wilayah Persekutuan 2022 dan juga menyemarakkan lagi Kempen Kibar Bendera Wilayah Persekutuan yang sedang berlangsung sehingga akhir Februari ini.

"Putrajaya mengalu-alukan ketibaan Queen's Baton bersempena Sukan Komanwel 2022 Birmingham ini dan saya dimaklumkan baton ini bakal merakamkan imej disepanjang laluannya ke 72 negara Komanwel dalam tempoh 294 hari. Saya berharap seluruh dunia dapat menyaksikan keindahan Putrajaya dan secara tidak langsung mempromosikan Wilayah Persekutuan menerusi larian yang diadakan ini," kata Thomas di sini hari ini.

Larian Bendera Wilayah Persekutuan dan Queen's Baton 2022 dianjurkan oleh Kementerian Wilayah Persekutuan menerusi Majlis Sukan Wilayah Persekutuan (MSWP) dengan kerjasama Perbadanan Putrajaya dan Majlis Olimpik Malaysia (MOM).

Queen's Baton tiba di Malaysia pada 20 Januari 2022 dari Singapura dan akan meneruskan perjalanan ke Brunei pada 26 Januari 2022.

Mengenai SHWP 2022, Kementerian Wilayah Persekutuan menerusi Majlis Sukan Wilayah Persekutuan (MSWP) bakal menganjurkan keseluruhan tujuh Program Sukan bagi memeriahkan SHWP 2022 di Wilayah Persekutuan Kuala Lumpur, Putrajaya dan Labuan.

Program Sukan yang diatur sepanjang SHWP 2022 termasuklah:

- i. Larian Bendera Wilayah Persekutuan dan Queen's Baton 2022 pada 23 Januari di Putrajaya;
- ii. Sukan Sepak Takraw pada 4, 5 & 6 Februari 2022 di Kompleks Futsal Mokhtar Dahari, Presint 18, Putrajaya;

- iii. Sukan Low Carbon (Ekstrem) pada 12 Februari di Skate Park, Bukit Kiara, Kuala Lumpur;
- iv. Sukan Paintbal pada 19 Februari 2022 di Padang Bola Sepak Taman Titiwangsa, Kuala Lumpur;
- v. Sukan Futsal pada 13 Februari di Kompleks Futsal Mokhtar Dahari, Presint 18, Putrajaya dan 19 Februari di Futsal Tanjung Purun, Labuan;
- vi. Sukan Muaythai pada 25, 26 & 27 Februari 2022 di Stadium Titiwangsa Kuala Lumpur; dan
- vii. Karnival Sukan Pantai Labuan akan diadakan pada 26 & 27 Februari 2022 di Kompleks Sukan Laut Antarabangsa Labuan.

Untuk sebarang pertanyaan / maklumat tambahan, boleh hubungi Pegawai Penerangan MSWP, Jumiati binti Rosly (012-6548155).

TAMAT